

LO PAPARACIANNÒ

Canzone del 1872

E. MARTELLI

Perz. n. 110 fr. 50.

Allegro

CANTO

PIANOFORTE

Vur_ria ad_de_ven_tà no Mi_lor_dì_no per

fa_re a Nen_na mi_a lo sor_de_gli_no! Lo sor_de_gli_no è ghianno; o quant'è

bel_lo o Papara_cianno! Lo Papara_cian_no mi_o lo dongo a chi vogl'ì!

The musical score is written for voice and piano. The vocal part is on a single staff with a treble clef and a key signature of one flat (B-flat). The piano accompaniment is on two staves (treble and bass clefs) with a key signature of one flat. The tempo is marked 'Allegro'. The lyrics are in Italian and are written below the vocal staff. The piano part consists of chords and some melodic lines.

Prop. Ditta T. COTTRAU

a 16594 a



Vorrià addeventà no Calascione
Pe le sonà da sotto a lo barcone,
O calascione è ghianno etc.

Vorrià addeventà no peccerillo
Pe mp! (1) le dà no vaso a pezzechillo,
Lo pezzechillo è ghianno etc.

Vorrià addeventare na rosella
Pe m^a zzeccà no poco a la vocchella,
E la vocchella è ghianno etc.

Vorrià addeventare no mazzetto
Pe me posare a chillo pizzo mpietto,
E lo mazzetto è ghianno etc.

Vorrià addeventà no soldacchiello
Pe le potè accattà lo pazziariello,
Lo pazziariello è ghianno etc.

Vorrià addeventà na carrozzella
Pe fa trottà no poco a sta nennella
La carrozzella è ghianno etc.

Vorrià addeventare nu muscillo
Pe le potè scippare lo nasillo,
Chillo nasillo è ghianno etc.

Vorrià addeventà capizzo o stoppa
Pe farla parè grossa sotto e ncoppa,
E lo capizzo è ghianno etc.

Vorrià addeventà na chitarrella
Pe farne pizzicà da nenna bella,
La chitarrella è ghianno etc.

Vorrià addeventare no fruncillo
Pe le potè cantà no pocorillo,
E lo fruncillo è ghianno etc.

Vorrià addeventà na sopressata
Per farle co lli fichi na fellata,
La sopressata è ghianno etc.

Vorrià addeventà Santa Lucia
Pe fa fa na scialata a nenna mia,
Santa Lucia è ghianno etc.

Vorrià addeventare na spatella
Pe l'appuntare ncapo la trezzella,
E la trezzella è ghianno etc.

Vorrià addeventà masto de scola
Pe mparà a compitare a sta figliola
O masto è scola è ghianno etc.

Vorrià infine, addeventà riccone
Per le levà verrize a battaglione,
E lo riccone è ghianno etc.

(1) Imitando il bacio.